

王羲之小楷字帖



王羲之書

樂毅論
黃庭經

附：王獻之書：洛神賦（十三行）

快雪堂法書

樂毅論

夏徠泰初



世人多以樂毅不時拔莒即墨為劣是以叙而論之

夫求古賢之意宜以大者遠者先之必迂迴

而難通然後已焉可也今樂氏之趣或者其
未盡乎而多劣之是使前賢失指於將來
不亦惜哉觀樂生遺燕惠王書其殆庶乎
機合乎道以終始者與其喻昭王曰伊尹放
大甲而不疑大甲受放而不怨是存大業於
至公而以天下為心者也夫欲極道之量務以
天下為心者必致其立於盛隆合其趣於先

王苟君臣同符斯大業定矣于斯時也樂生
之志千載一遇也亦將行千載一隆之道豈其
局蹟當時心於無并而已哉夫無并者非
樂生之所屑彊燕而撥道又非樂生之所求
也不屑苟得則心無近事不求小成斯意無
天下者也則舉齊之事所以運其機而動四
海也夫討齊以明燕主之義此兵不興於為

利矣圍城而害不加於百姓此仁心著於遠
邇矣舉國不謀其功除暴不以威力此至
德全於天下矣邁全德以率列國則災於
湯武之事矣樂生方恢大綱以縱二城牧民
明信以待其弊使即墨莒人願仇其上願釋
干戈賴我猶親善守之智無所之施然則
求仁得仁即墨大夫之義也任窮則從微子

適周之道也開彌廣之路以待田單之徒長
容善之風以申齊士之志使夫忠者遂節通
者義著昭之東海屬之華裔我澤如春下
應如草道光宇宙賢者託心鄰國傾慕四
海延頸心戴燕主仰望風聲二城必從則王
業隆矣雖淹留於兩邑乃致速於天下不
幸之變世所不畱敗於垂成時運固然若乃

逼之以威劫之以兵則攻取之事求欲速之功
使燕齊之士流血於二城之間侈敘傷之殘示
四國之人是縱暴易亂貪以成私鄰國望之其猶
豺虎既大墮稱兵之義而喪濟弱之仁虧齊
士之節廢廉善之風掩宏通之度棄王德之隆
雖二城幾於可拔霸王之事逝其遠矣然則
燕雖兼齊其與世主何以殊哉其與鄰敵何

以相傾樂生豈不知拔二城之速了哉顧城拔
而業乖豈不知不速之致變顧業乖與變
同由是言之樂生不屠二城其亦未可量也

晉右軍將軍王羲之書樂毅論

貞觀六年十一月十五日中書


令河南郡開國公臣褚遂良奉

勅審定及排類



黃庭經

上有黃庭下有關元前有幽關後有命門
呼吸癩外出入丹田審能行之可長存
黃庭中人衣朱衣關門壯蓋
蓋兩扉幽關俠之高魏
丹田之中精氣微玉池清水上
生肥靈根堅志不衰中池有士服
赤朱橫下三寸神所居
中外相距重閉之神廬之中
務脩治玄靡氣管受精符



急固子精以自持宅中有士常衣絳子能見之可不病橫
理長尺約其上子能守之可無恙呼翁廬間以自償保守
兒堅身受慶方寸之中謹蓋藏精神還歸老復壯俠
以幽關流下竟養此非村亦可壯至道不煩不勞迺
靈臺通天臨中野方寸之中至關下玉房之中神門戶
既是公子教我者明堂四達法海負真人子丹當我前

三關之間精氣深子欲不死脩崑崙絳宮重樓十二級
宮室之中五采集赤神之子中池立下有長城玄谷邑長
生要眇房中急棄捐搖俗專子精寸田尺宅可治生繫
子長流心安寧觀志流神三竒靈閑暇無事脩太平
常存玉房視明達時念大倉不飢渴役使六丁神女
謁閑子精路可長活正室之中神所居洗心自治無敢

懷玉和子室子自有之持無失即欲不死藏金室出月
入曰是吾道天七地三回相守升降五行一合九玉石落是
吾寶子自有之何不守心曉根蒂養華采服天順地
合藏精七日之竒吾連相舍崑崙之性不迷誤九源之
山何亭々中有真人可使令藏以紫宮丹城樓俠以日月
如明珠萬歲照々非有期外本三陽物自來內養三神

汙磨觀五藏視節度六府脩治潔如素虛無自然道
之故物有自然事不煩垂拱無為心自安體虛無之居
在廉間宥莫曠然口不言恬惓無為遊德園積精香
潔玉女存作道憂柔身獨居扶養性命守虛無恬惓
無為何思震羽翼以成正扶疏長生久視乃飛去五行
參差同根節三五合氣要本一誰與共之升日月抱珠

可長生魄欲上天魄入淵還魄反魄道自然旋璣懸珠
環無端玉石戶金齋身兒堅載地玄天迫乾坤象以四
時去如丹前仰後卑各異門送以還丹與玄泉象龜引
氣致靈根中有真人巾金巾負甲持符開七門此非枝
葉實是根晝夜思之可長存仙人道士非可神積精所
致和專仁人皆食穀與五味獨食大和陰陽氣故能不

死天相既心為國主五藏王受意動靜氣得行道自守
我精神光晝日照之夜自守渴自得飲飢自飽經歷六
府藏卯酉轉陽之陰藏於九常能行之不知老肝之
為氣調且長羅列五藏生三光上合三焦道飲猶採我
神魂魄在中央隨臍上下知肥香立於懸靡通神明
伏於老門候天道近在於身還自守精神上下開分

理通利天地長生草七孔已通不知老還坐陰陽天門
候陰陽下于寵喉通神明過華蓋下清且涼入清冷
滄見吾形其成還丹可長生下有華蓋動見精立於明
堂臨丹田將使諸神開命門通利天道至靈根陰陽
列布如流星肺之為氣三焦起上服伏天門候故道關
離天地存童子調利精華調髮齒顏色潤澤不復白